



IKLAN JAWATAN KOSONG BAGI JAWATAN PENGARAH GRED L13, BAHAGIAN RAYUAN DAN NASIHAT UNDANG-UNDANG

Suruhanjaya Persaingan Malaysia (MyCC)

Suruhanjaya Persaingan Malaysia (MyCC) adalah badan bebas yang ditubuhkan di bawah Akta Suruhanjaya Persaingan 2010 untuk menjalankan Akta Persaingan 2010. Akta Persaingan dan Akta Suruhanjaya Persaingan diterbitkan dalam Warta Kerajaan pada 10 Jun 2010 dan dikuatkuasakan mulai 1 Januari 2012. Akta-akta ini bertujuan untuk mendorong pembangunan ekonomi negara dengan menggalakkan dan melindungi proses persaingan dalam pasaran dan seterusnya melindungi kepentingan pengguna.

Fungsi Utama Suruhanjaya

Akta Suruhanjaya Persaingan 2010 memberi kuasa kepada Suruhanjaya Persaingan Malaysia (Suruhanjaya Persaingan) untuk menjalankan fungsi-fungsi seperti melaksana dan menguatkuasa peruntukan-peruntukan di bawah Akta Persaingan 2010, mengeluarkan garis panduan berhubung pelaksanaan dan penguatkuasaan undang-undang persaingan, bertindak sebagai penyokong untuk hal-hal berkaitan persaingan; menjalankan kajian am berhubung isu-isu yang berkaitan dengan persaingan dalam ekonomi Malaysia atau sektor-sektor ekonomi tertentu di Malaysia; memaklum dan mendidik orang awam berkenaan cara-cara yang mana persaingan boleh memberi faedah kepada pengguna dan juga ekonomi Malaysia.

Permohonan daripada warganegara Malaysia yang berkeelayakan adalah dipelawa untuk mengisi jawatan di Suruhanjaya Persaingan Malaysia (MyCC) secara **KONTRAK** seperti berikut:

SYARAT – SYARAT UMUM

1. Warganegara Malaysia; dan
2. Berumur tidak kurang dari 18 tahun pada tarikh tutup iklan jawatan;

SYARAT KELAYAKAN BAHASA MELAYU

1. Memiliki kepujian (sekurang-kurangnya Gred C) dalam subjek Bahasa Melayu pada peringkat Sijil Pelajaran Malaysia/ Sijil Vokasional Malaysia atau kelulusan yang diiktiraf dengannya oleh Kerajaan.

SYARAT-SYARAT KHUSUS

1. Adalah seperti di Lampiran A

BIL.	JAWATAN	GRED	BAHAGIAN	KLASIFIKASI PERKHIDMATAN	BIL. KEKOSONGAN	JADUAL GAJI	
						MINIMUM	MAKSIMUM
KUMPULAN PENGURUSAN DAN PROFESIONAL							
1	PENGARAH BAHAGIAN	L13	BAHAGIAN RAYUAN DAN NASIHAT UNDANG-UNDANG	UNDANG-UNDANG	1	RM6,210.00	RM14,370.00

PROSEDUR PERMOHONAN

- Permohonan hendaklah dibuat di laman web rasmi Suruhanjaya Persaingan Malaysia (MyCC) www.mycc.gov.my
- Setiap borang permohonan hendaklah disertakan sekeping gambar berukuran passport, salinan sijil-sijil dan dokumen yang telah disahkan seperti berikut:
 - Kad Pengenalan;
 - Diploma/Ijazah beserta Transkrip Surat Akuan pengiktirafan Ijazah/Diploma/sijil daripada Agensi Kelayakan Malaysia (MQA) atau JPA;
 - Surat berhenti sekolah;
 - Sijil-sijil seperti PMR, SPM, STPM; dan
 - Sijil-sijil lain yang berkaitan.
- Borang permohonan yang tidak lengkap/ tidak memenuhi syarat tidak akan dipertimbangkan.
- Gaji yang ditawarkan adalah mengikut kelayakan akademik, pengalaman dan syarat-syarat lain yang ditetapkan oleh Kerajaan dan ianya adalah **muktamad**. Tiada sebarang rundingan boleh dibuat.
- Tarikh tutup permohonan adalah pada **15 JUN 2025**.

KUMPULAN PENGURUSAN DAN PROFESIONAL

PENGARAH BAHAGIAN RAYUAN DAN NASIHAT UNDANG-UNDANG

1) Calon bagi lantikan jawatan di atas mestilah memiliki kelayakan **Ijazah Sarjana Muda Undang-undang yang diiktiraf oleh Kerajaan** atau kelayakan yang diiktiraf setaraf dengannya.

2) Syarat Tambahan

- a. **Calon hendaklah mempunyai sekurang-kurangnya 12 tahun pengalaman bekerja dalam bidang undang-undang.** Kelebihan diberikan kepada calon yang mempunyai pengetahuan mengenai dasar dan undang-undang persaingan sama ada di Malaysia atau peringkat antarabangsa;
- b. Mempunyai pengetahuan mengenai dasar-dasar Kerajaan termasuk pengalaman berurusan dengan jabatan dan agensi Kerajaan;
- c. Mempunyai kebolehan menulis dan berkomunikasi dengan cemerlang dalam Bahasa Malaysia dan Bahasa Inggeris serta menguasai bahasa ketiga adalah merupakan satu kelebihan;
- d. Mempunyai kemahiran analitikal dan penyelesaian masalah yang baik; dan
- e. Berkemahiran dalam memimpin pasukan serta mampu dalam membina hubungan baik dengan pihak berkepentingan di pelbagai peringkat.

Selain daripada pengalaman dan pengetahuan dalam bidang undang-undang, calon perlu mempunyai ciri-ciri berikut:

- Menunjukkan komitmen yang tinggi untuk mencapai matlamat dan objektif organisasi;
- Kemahiran interpersonal yang baik dalam menjalankan proses perundingan, penyelesaian masalah serta perkongsian pengetahuan; dan
- Keupayaan untuk bekerja di bawah tekanan kerja, integriti yang tinggi dan mengekalkan prinsip kerja berpasukan.

3) Ringkasan tugas

- a. Bertanggungjawab memberikan nasihat mengenai isu perundangan untuk memastikan pematuhan terhadap undang-undang dan peraturan berkaitan dan tidak terhad kepada Perlembagaan Persekutuan, prosedur, dan/atau etika undang-undang;
- b. Bertanggungjawab memberikan nasihat mengenai sebarang cadangan pindaan peraturan atau undang-undang berkaitan dengan Suruhanjaya Persaingan atau dalam melaksanakan Akta Persaingan 2010;
- c. Bertanggungjawab memberikan nasihat mengenai bidang kuasa dan *theoretical powers* Suruhanjaya Persaingan serta menyediakan jawapan atau maklum balas mengenai tindakan Suruhanjaya Persaingan;
- d. Bertanggungjawab mengkoordinasi hubungan antara Suruhanjaya Persaingan dan Pejabat Peguam Negara serta perundangan di peringkat kebangsaan dan antarabangsa;
- e. Bertanggungjawab menjalankan pendakwaan dalam kes-kes berkaitan dengan isu persaingan;
- f. Memberi nasihat kepada Suruhanjaya Persaingan dalam apa-apa mesyuarat atau rundingan di dalam dan luar negara;
- g. Bertanggungjawab mewakili Suruhanjaya Persaingan dalam kes-kes berkaitan dengan isu persaingan di peringkat kebangsaan atau antarabangsa;
- h. Menyedia dan menguruskan bajet tahunan bagi bahagian; dan
- i. Melaksanakan sebarang tugas *ad-hoc* yang diperlukan oleh Pengurusan/ Ketua Pegawai Eksekutif pada bila-bila masa yang diperlukan.

Nota: Deskripsi tugas ini bertujuan untuk menggariskan skop kerja yang perlu dilakukan oleh setiap individu untuk jawatan ini. Suruhanjaya Persaingan Malaysia berhak untuk mengubah deskripsi tugas ini untuk memenuhi keperluan organisasi.